



Nastavak akcije „Pero“ u Krajini **SIPA opet pretresla 'Vita Plus'**

Pripadnici **Državne agencije za istrage i zaštitu (SIPA)** ponovo su jučer pretresli prostorije obrazovnog centra „Vita Plus“ u Cazinu. Radi se o nastavku afere „Pero“, koja se odnosi na izdavanje lažnih diploma.

Pretresi su obavljani prema naredbi Tužilaštva USK, a izuzete su matične knjige kako bi tužiocima dokazali da je ova ustanova, iako je prestala s radom 2005. godine, i dalje vršila upis kandidata.

Podsjećamo, u pritvoru se i dalje nalazi Admir Hadžipašić, bivši delegat u Domu naroda Parlamenta FBiH i zastupnik u Skupštini USK te nekadašnji generalni sekretar A-SDA.

On je i vlasnik Centra za obrazovanje „Vita Plus“ u Cazinu i glavni organizator kriminalne grupe



Cazin: Oduzete matične knjige koja je, prema navodima Tužilaštva USK, oštetila budžet za 200.000 KM, a pri tome zaradila milione maraka. Osim Hadžipašića, u pritvoru je i njegov saradnik i suvlasnik Centra Goran Lalović. Ostalih desetak osoba brani se sa slobode, uz mjere zabrane. Oni su, kako smo ranije pisali, prodavali diplome po cijeni od 1.000 do 25.000 KM. **M. Aš.**